

New USCCB Committee on Cultural Diversity in the Church

Lub Koom Haum USCCB yog leej twg?

Lub koom haum **USCCB** ([United States Conference of Catholic Bishops](#)) yog ib lub chaw sib sau rau tag nrho tsoom Tswv Qhia Catholic nyob rau As Mes Lis Kas teb. Lub hoom phiaj ntawm lub Koom Haum **USCCB** yog:

- Coj tag nrho cov ntseeg Catholic los ua ib pab,
- Pab txhim kho sawv daws kom muaj kev sib fim zoo
- Txhawb siab thiab txhawb zog rau sawv daws
- Txhawb thiab pab sawv daws tes hauj lwm nyob rau hauv txoj kev ntseeg Catholic

Yav tas los, lub Koom Haum **USCCB** yog ib qhov chaw vam khom rau tag nrho cov neeg ntseeg Ntuj Catholic tsiv teb tsaw chaw tuaj nyob rau As Mes Lis Kas teb. Lub Committee uas pab **USCCB** saib xyuas cov ntseeg tsiv teb tsaw chaw hu ua **PCMR** (Pastoral Care of Migrant and Refugees). Lub **PCMR** no tau pab pab Hmoob Catholic los yog HANCA los tau tshaj li ntawm 20 lub xyoo lawm. Peb sawv daws ua lawv tsaug kawg nkaus).

Vim li cas thiaj li tsa muaj lub Secretariat Of Cultural Diversity in the Church?

Cov Tswv Qhia xav hais tias, xws li cov ntseeg uas twb tuaj nyob rau lub teb chaw As Mes Lis Kas tau 20-30 xyoo lawm, mas lawv tsis yog neeg tsiv teb tsaws chaw lawm. Lawv yog ib cov ntseeg nyob ruaj muaj chaw lawm. Yog li no, yuav tau muaj ib lub rooj tswj num los pab rau sawv daws tej kev vam khom thiab kev sib txhawb nyob hauv txoj kev ntseeg.

Lub koom haum **USCCB** thiaj li tau tsim ib lub Committee tshiab, hu ua SCDC ([Secretariat Of Cultural Diversity in the Church](#)). Nyob rau hauv lub rooj tswj num, los yog lub "Committee" tshiab no, muaj 5 lub sub-Committees xws li:

1. Sub-Committee on African American Affairs
2. **Sub-Committee on Asian and Pacific Affairs**
3. Sub-Committee on Hispanic Affairs
4. Sub-Committee on Native American Affairs
5. Sub-Committee on Pastoral Care of Migrants, Refugees And Travelers

Lub ntsiab ntawm txoj kev tsim tsa lub rooj tswj num tshiab SCDC ([Secretariat Of Cultural Diversity in the Church](#)), yog xav los pab cov neeg ntseeg txawv tawv (immigrants), uas tsis yog neeg As Mes Lis Kas nyob rau hauv lub Koom Txoos Catholic. Vim yog yav tas dhau los tsuas muaj ob haiv neeg xwb uas lub Koom Txoos xav hais tias yuav tau saib xyuas, xws li yog cov Hispanics thiab African-Americans. Niaj hnuv no, muaj ntau xeeb neeg ntseeg Catholic nyob rau lub teb chaw no, uas tos txoj kev pab thiab txhawb nqa los ntawm lub koom haum **USCCB**.



Yog vim cov Tswv Qhia pom hais tias txoj kev saib xyuas thiab pab tej pawg neeg ntseeg tsis cuag ncuva, lawv thiaj li tsa lub rooj tswj num tshiab SCDC no los pab lawv soj ntsuam xyuas lawv tej hauj lwm. Nyob rau hauv cov Sub committees, nyias thiaj li npaj nyias lub rooj sab laj kom xwv tau tswv yim thiab zog coj los pab lub SCDC.

Vim li cas lub Sub-Committe on Asian and Pacific Affairs thiaj li muaj kev sib sau?

Thaum lub 5 hli tim 26 txog 27 xyoo 2008 no, lub **Sub-Committee on Asian and Pacific Affairs** (APA) thiaj li rub ib lub rooj sab laj, nyob rau TUCSON Arizona, hu tas nrho cov neeg ntseeg tawv daj Catholic (Asian Catholics) nyob rau As Mes Li Kas teb kom tuaj sib tham. Lub ntsiab yog xav kom txhua haiv neeg tawv daj (Asian Catholics) tuaj:

- Qhia txog lawv tej kev tshaj Ntuj lus rau lawv pawg neeg
- Piv tej teeb meem ua lawv tau ntsib thiab kev sib fim nrog lawv lub Diocese thiab cov neeg ntseeg hauv lawv tej zos
- Sib tawm tswv yim txog kev txhim kho lub **Sub-Committee on Asian and Pacific Affairs**
- Qhia saib lub **Sub-Committee on Asian and Pacific Affairs** yuav pab tau sawv daws li cas
- Tuaj sib fim thiab sib cog kev khiav hauj lwm kom rooj nreb nyob rau lub Sub-Committee thiab cov yuav los pab khiav dej num xws li cov National Consultants.

Tus tswj lub **Sub-Committee on Asian and Pacific Affairs** yog [Bishop Oscar Solis](#), tus Bishop nyob Los Angeles California. Tus Director tuav lub rooj tswj num Secretariat of Cultural Diversity yog ib tug Txiv Plig hu ua Fr. Alan Deck thiab tus Assistant Director hu ua Cecile Motus. Cov ntseeg Asian Catholics tuaj mus koom lub rooj sab laj muaj raws li nram no:

- Communities:
 1. Bangali
 2. Burmese

3. Cambodian
4. Chinese
5. Filipino
6. Hmong
7. Indian
8. Syro-Malankara
9. Indonesian
10. Japanese
11. Korean
12. Laotian
13. Montagnard
14. Pakistani
15. Vietnamese
16. Chamorro
17. Samoan
18. Tongan

- Dioceses

1. Diocese of Honolulu
2. Archdiocese of Milwaukee
3. Diocese of Syracuse
4. Archdiocese of San Francisco
5. Archdiocese of Chicago
6. Archdiocese of San Bernardino
7. Diocese of Oakland
8. Archdiocese of Seattle
9. Archdiocese of San Diego
10. Archdiocese of Los Angeles

- Most Rev. Dominic Luong, auxiliary Bishop of Orange
- Rev. Ricky Manalo



Zaum no yog thawj zaug nyob rau huav lub Koom Txoos Catholic nyob rau Mes Lis Kas teb uas cov ntseeg Asian-Catholics los sib sau ua ib pab. Cov Tswv Qhia xav hais tias, qhov no yuav yog ib txoj kev zoo rau cov neeg ntseeg tawv daj (Asian Catholics) mus lawm yav tom ntej.

Sib tham tas tau tswv yim dab tsi ?

Thaum sib tham tas, mas cov lus xaus muaj li no:

- Zwm kom tau cov thawj coj nyob hauv tej pawg ntseeg
- Xav kom muaj kev cob qhia rau cov thawj coj ntawm tej pab pawg neeg
- Tshawb thiab rov soj ntsuam xyuas kev cob qhia los ua ib tug thawj coj rau tej pawg ntseeg
- Ua ib lub tsev vas (internet) rau kev sib qhia
- Sib fim ntawm tej pawg ntseeg
- Txhawb kom muaj coob leej xaiv txoj kev nyob tab seeb, ua Tswv Ntuj tes hauv lwm
- Sib pab sib txhawb hauv haiv neeg tawv daj (Asian Catholics)
- Muaj kev sib fim nrog lwm haiv neeg los lwm lub Committee



Lub Secretariat SCDC xav kom ib haiv neeg twg los yog ib lub koom haum twg npaj kom muaj ib tug Natioanl Consultant los ua hauv lwm pab rau lawv. Tus National Consultant yuav yog ib tug cev lus rau lub Secretariat. Tus neeg ua lub luag hauv lwm no yog pab dawb xwb, yuav tsis tau txais nqe zog dab tsi. Tus neeg yuav los txais lub luag hauv lwm no yuav tau:

- Kom nws pawg neeg ntseeg los yog nws lub koom haum xa nws npe thiab hais me qhia ntsis txog nws tes hauv lwm mus rau lub SCDC
- Tau txais kev pom zoo los ntawm nws tus Tswv Qhia nyob hauv nws lub zos
- Yuav tau nrhiav kev soj ntsuam kom nws paub txog nws cov ntseeg tej kev ntxhov siab thiab tej kev vam khom txog SCDC los yog APA
- Ua ib tug tub cev lus rau lub Committee
- Ua ib tug tub cev lus rau PCMR
- Txhawb txoj kev sib sau ua pab ua pawg nyob rau hauv nws pawg ntseeg Catholic

Lub Secretariat xav kom ib haiv neeg twg xaiv li 3 tug neeg xa mus rau lawv. Thaum lawv tshawb xyuas txog cov neeg

Past Meetings

ntawd tas lawm, lub Secretariat mam li xav ib tug ntawm 3 tug ntawd los khiav hauj lwm pab rau lawv.

Yog leej twg xav paub ntau tshaj qhov hais los saum no thiab yog nws muaj lus nug dab tsi, no nej sau email rau [Txwj Kum Lis](#) los yog [Txhawj Huas Hawj](#)

Tswv Ntuj nrog nraim sawv daws!

Txwj Kum Lis.
Lake Elmo, Minnesota